



明詩正聲卷二十六 五言律詩七

廣陵

盧純學

江一夔

校閱


歲暮集黎惟敬紫芝山房 梁有譽

雲木自蕭疎何慚大隱居  
雨殘三徑菊塵滿一  
牀書開戶鳥聲過移尊  
竹色虛滄江復歲宴誰  
念病相如

有寄

宗臣

憶爾辭燕甸逢人賦楚騷  
芙蓉千水暮薜荔萬



峰高秋月驚紈扇寒雲落布袍愁心不可問孤  
鴈滯江臯

送王判

可嘆日為別兼之歲歆殘青袍今作吏白髮已  
盈冠鴻鴈千門夕梅花一騎寒風塵好自愛行  
路古來難

天寧寺同于鱗子與元美餞別公實

孤臣辭上國匹馬自祗園樹影僧窺日鍾聲客  
到門江湖難寓目天地易銷魂行念中心約相

思且勿論

贈黃山人

羨爾逃名者蕭然卧遠臯絲綸江艇闊蘿薜石  
門高白已殘雙鬢青猶戀一袍不堪搖落後重  
讀楚人騷

雨夜沈二丈至

樹色迷寒渚江流沒石梁驚風孤鴈下聽雨一  
燈長蟋蟀夜堪賦薜蘿秋可裳相看愛容鬢時  
序有新霜

陸長庚夜至

戎馬暗江國君從何處來門驚芳草遍尊對早  
梅開雨雪春衣短魚龍夜笛哀中宵撫長劍惜  
爾陸雲才

送徐山人還吳

去住悲生事乾坤總畏途梅開春到楚柳折曉  
歸吳倚棹江雲亂傳書海月孤知君饒雅思早  
晚著潛夫

元美夜過將有江南之役

金樽墮明月瑤瑟動輕陰砧杵秋城急烟霞故  
國深不堪惆悵色兼入別離心去住俱萍梗佳  
期可易尋

上陵作

金鳧常泛海石馬欲鳴風劒珮清秋響雲烟紫  
塞通河山不改色天地自相雄羣帝俱神武  
園陵白露中

天目徐山人

天目三千尺西南第一峰瀑來飛萬馬石削起



雙龍白日江華亂青雲海色重行歌秋更好散  
髮弄芙蓉

李行人元樹宅同謝張二內翰話洞庭賦

二首

謝榛

詞客家何處西南是岳州地連湘樹斷湖共楚  
天浮極目風烟夕驚心鴻雁秋君山更竒絕應  
待子長遊

南望岳陽郡蒼茫吳楚分帆迴孤島樹樓出九  
江雲落日浪中沒秋風天外聞何時采蘋藻湖

上弔湘君

北征

朔氣犯征裘旌懸大漠秋亂山通驛道殘日照  
邊樓白骨幾年戰黃雲絕徼愁夜來又烽火驕  
虜寇并州

和王元美喜盧柟出獄

春從鄒律動近得破愁顏心事孤燈下年光萬  
灰間賦成餘白髮身在有青山共爾烟霞約飄  
然去不還

天寧寺對雨同殷正夫李于鱗賦

諸天忽風雨蕭颯動山扉殿冷鴿逾靜鉢空龍  
未歸曉留軒冕客秋到薜蘿衣後夜懷支遁遙  
聽鐘磬微

送張太僕視馬畿內

太僕巡畿甸飛旌指冀州共傳天馬出寧復大  
宛求月照昆吾冷風生首着秋張衡近多賦獨  
繫漢家憂

榆河曉發

朝暉開衆山遙見居庸關雲出三邊外風生萬  
馬間征塵何日靜古戍幾人閒忽憶棄繻客空  
慙旅鬢斑

送樊侍御文赫之金陵

地入淮揚路天分牛斗墟秋帆二水外春草六  
朝餘冰雪生官舍風塵走諫書從來知國士豈  
亦念樵漁

元夜道院同元美于鱗諸君賦

長空月正滿游騎隘京華夜火分千樹春星落

萬家乘閒來紫府垂老問丹砂笙鶴知何處依稀見綵霞

送許中丞歸秦

官起風塵際身歸兵甲餘曉星隨去馬春雪上行車二水堪垂釣三峯老著書白雲應不散長繞杜陵居

冬夜集張茂參宅

秉燭坐深更嚴城亂柝聲寒雲雙闕迴夜雪萬家明世事青尊盡邊愁白髮生劍塵時一拂莫

遣暗龍精

送謝給事封蜀

使星入巴蜀漢節夜郎西樹斷分金馬江清見石犀王孫重茅土天子錫桐圭異世懷張載應留劔閣題

宿淇門驛

駐馬淇門夕空堂暑氣徂暝烟官樹合寒雨驛燈孤濁酒聊幽興悲歌亦壯圖相違舊朋好三徑日荒蕪

暮秋大伾山同孟得之盧次楸賦

勝遊兼故侶幽興且禪林石上晴雲合松間晚  
磬沉青山無久客黃菊有歸心我自悲秋色樽  
前學楚吟

于鱗郡齋賦贈

別來吾更老醉後尔能真辭賦偏憂國聲名實  
在人論心托冰雪蒞調入陽春國士淹多難風  
塵誤此身

送盧次楸

物議冰霜過才名歲月勞老來悲道路醉後益  
風騷漢黨無文字燕歌自我曹一寒今范叔誰  
復贈綈袍

送劉侍御之扶風

旌節蒞河陽風塵西路長心懸隴上月威帶日  
南霜入郡春隨馬談兵秋滿堂于今汲都尉容  
易鬢毛蒼

不寐

南征秋轉劇不寐夜漫漫去住身無定漁樵計



未安旌旗遮海暗  
戈甲照江寒  
選將須史事  
功名老漢官

寄張職方

漢南春草長  
牧馬來胡王  
落月走邊檄  
淒風生戰場  
河山燕獨壯  
兵甲漢猶強  
正爾掄才日  
緘書報職方

老懷

殘年百事過  
閱世幾人存  
風雪雙蓬鬢  
窮愁一酒樽  
交游能自定  
文字有時論  
易了浮生意  
難

酬國士恩

寄上孫大宗伯兼懷太史文和

纔罷江南戰  
憑高動越吟  
濤聲翻日暮  
兵氣結秋陰  
聽履青天近  
含香紫氣深  
世傳修漢史  
誰識二班心

秋夜

罷酒南樓夜  
翛然起越吟  
關河雙鴈迴  
風雨一燈深  
老破當年夢  
秋生久客心  
故園常在眼  
去住總浮沉

塞上曲

百戰餘枯骨秋高白草深  
鴈門寒太早狐塞晝常陰  
牧馬胡兒遯封侯漢將臨  
嚴城時北望佩劍有龍吟

送張子畏使太原

六月皇華使千山白日陰  
雲連汾水闊馬度井陘深  
大將防邊策明王犒士心  
獨留雄劍在夜夜作龍吟

庚戌九月將赴金陵夜泊廬陽郵亭聞虜

犯近郊志感

王崇古

江上初收雨嚴霜已渡河  
漢兵聞出塞胡騎竟如何  
雁陣臨秋盡笳聲入暮多  
武陵遺曲在慷慨不成歌

秋日宿友人臨山書屋

愛爾鄰山屋幽懷寄薜蘿  
白雲當戶近綠樹入簾多  
雨過千峯色林深一鳥歌  
夜深秋意靜渺渺見銀河

夜行

陳栢

前路知歎側貪歸更晚行踈星回暝色涼吹起  
秋聲平野燒仍滅長空斗欲橫因憐京洛道翻  
遣壯心驚

與燭兒載酒南園

載酒過南園誰憐隔市喧軒因容膝在亭為借  
山存迂曲同盤石幽深似鹿門今朝吾與汝一  
酌是君恩

別母

沈明臣

老母三年病兒仍千里行秋風吹地冷山月照

未別淚先下問歸難應聲厨頭有新婦數  
可問藜羹

送王十二之馴象

君去蒼梧遠秋乘萬里風水程三楚外山色九  
疑中桂子花初落桄榔葉不紅家鄉東海上知  
有夢魂通

送張丞纁赴睦下邑

君向嚴陵去雲移畫舫低驛程踈雨外山色大  
江西訟簡知花落官閒聽鳥啼却忘身是吏隨

意坐清溪

池上夜坐

雨洗竹間亭夜深人獨醒空城留月白高樹入  
河青螢定風無力魚眠水不腥兀然天上坐衣  
冷一池星

除夕旅懷

人生幾除夕常作異鄉人世事復明日流年空  
舊春妻孥燈下影風雪海邊身歲歲皐魚淚今  
宵獨滿巾

元日閩中

歲時憐絕徼客鬢感春風海日蠻陰裡江流樹  
色中水深歐冶澤雨過越王宮草色東歸路愁  
心與斷蓬

過樊江

處處足清波樊江一棹過浦帆秋色遠村樹晚  
烟多水飯資菱芡山衣雜芰荷度來風裡曲半  
是榜人謠

賦得夢竹為吳孝父

白日滿筠林蕭疎意不禁百年湘水夢一片太行心  
天地有今古淚痕無淺深空山風與木時  
發斷腸音

溪上晚歸

李汝蘭

徑路草萋萋歸人只尺迷水聲聞犬吠月色見  
雞棲露下沾衣濕星垂挂樹低今宵有風雨多  
在杜陵西

秋雨宿黑石嶺

楊巍

嶺險藤迷路山高石作城片雲何處雨孤客此  
時情茅屋幾家在秋風半夜生旅魂愁已絕况  
聽鼓鼙聲

月夜同劉天山作

狄從夏

孤館寒燈夜相看聽晚笳清宵醒客夢明月落  
梅花碧海潮聲急清霜鴈影斜不堪憐歲暮况  
復是天涯

病起偶成

李奎

松影亂虛閣冷雲侵薜衣病知身是幻老覺事  
全非山靜桂初發月明烏正飛野情何處適夜

起坐漁磯

客夜

寂寞空山裡  
萋萋露草繁  
歸雲帶雨至  
宿鳥踏花翻  
客舍臨滄海  
春風隔故園  
離心不忍聽  
斷續夜啼猿

送友人之夷陵

李時行

搖落楚山頭  
嗟君歲晏遊  
相看岐路別  
翻動異鄉愁  
鴈影湘江月  
猿聲巫峽秋  
仲宣懷古地  
乘興好登樓

巖居僧

一鉢寄岩石  
塵喧迥不聞  
小厨分澗水  
短榻卧松雲  
衣借枯藤補  
香收野葯焚  
晚來趺坐處  
猿鶴自為羣

客堂夜坐

獨對蕪城菊  
凝寒未著花  
幾迴經歲暮  
猶自客天涯  
月下砧聲急  
風前雁影斜  
歸心將別夢  
日夜不離家

宿泉上人山房

魏學禮

花落徑長靜鳥鳴春自閒行雲一相送薄暮不  
知還支遁頗好客遠公長閉關松牕不能寐明  
月滿空山

靈隱寺

周詩

靈隱何年寺青山向此開澗流元不斷峰石自  
飛來樹覆空王苑花藏大士臺冥探有玄度莫  
遣夕陽催

送吳太學南還

長揚獻未得歸去鳳山隅罷綰輸邊綬寧藏待

價珠帆檣開曉月驛路長春蕪到日能相憶題  
書鴈有無

送喬職方改北戶部便歸關中省覲

石城梅雨霽江色澹離尊客豈薄南服時方榮  
北轅高雲瞻華岳涼月度關門遙想秋風候含  
香入帝閣

谷明府泉亭

許邦才

每愛楊雄宅時來問草玄花間搖筆影竹裏出  
茶煙壑走千山雨池喧萬樹蟬風塵慚季子蘿

薛見高賢

舟中

客子當明發，霜天正寂寥。  
移舟星在水，解纜月隨潮。  
往事流波駛，歸心帆影搖。  
更堪聞過鴈，蘆荻共蕭蕭。

新公館

誰憐孤館夜，烟雨坐南軒。  
浪迹真無謂，微生自不原。  
箐林過夏密，颺向宵繁欲。  
覓還鄉夢懸崖瀑布喧。

將歸雜興

南國淹留處，秋風一再逢。  
苑霜移蟋蟀，江雨墮芙蓉。  
買酒人情厭，題詩客思重。  
寒林正蕭索，歸夢繞青峯。

界亭早發

雲霧饒三楚，風烟共一亭。  
霜華添白髮，寒色暗青萍。  
逐客元同調，騷人本獨醒。  
當時憐屈賈，此地未曾經。

舟中雜興



明詩正聲 卷之二十六 十五  
長路揚花盡孤舟事事慵  
櫓聲揉遠夢檣影直  
高春寒食愁中度春衣  
客裡縫鳳城知漸近  
遙見五雲重

班去趙姬升

張之象

長信沉幽日昭陽幸御年  
寵將團扇歇恩向舞腰  
偏但覺新移舊非關醜  
避妍悲秋更懷古淚盡  
綠衣篇

龍泉寺

羅鹿齡

入谷疑山斷重蘿覺路懸  
瀑流分萬壑香逕上  
諳天莫怪稀人跡都由  
選地偏何須風作馭吾  
意已冷然

題宮人入道圖

葉份

五雲辭玉輦雙鳥謁瓊  
仙團扇新移寵黃冠  
遂叩玄冥心時悟道飛  
夢夜朝天不記長門  
寂秋空孤月懸

浮丘院壁

盧柟

洞口春雪薄桃花一水  
香金壇凝夜露玉盃出  
瓊漿河上僊人遠關門  
紫氣藏壺天作小隱吾

亦費長房

塞下曲

殺氣繞金微，單于夜合圍。  
交河水歷斷，瀚海雪常飛。  
虜策胡兒滿，旌旄漢使稀。  
幾時班定遠，白首玉門歸。

涼州樂

月氏穹廬夜，秋風起暮笳。  
胡星搖鴈塞，漢月墮龍沙。  
露浥葡萄酒，天寒苜蓿花。  
從軍莫浪譁，轉戰屬輕車。

從軍行

玉塞胡沙靜，金河虜陣稀。  
彎弓明月滿，按劍雪花飛。  
鼓角轅門合，旌旗射獵歸。  
陰山鏖戰罷，殺氣曉霏微。

服闋口號上張明府兼吳吏部李翰林

獄久年三換，刑深髮二毛。  
愁淹天畔日，淚作海門濤。  
寸草傷春碧，慈烏近夜號。  
感時思雨露，回首望旌旄。

風雨望焦山

陳鶴

立馬對山寺，隔林聞慧香。未能超苦海，徒欲禮空王。天影連沙白，濤聲帶雨長。倏然懷彼岸，何處覓慈航。

夜坐見白髮寄別朱仲開張歐江

坐久北風起，江聲帶遠沙。客愁初到鬢，鄉夢不離家。林靜無殘葉，燈寒有落花。懷君不能寐，別緒轉如麻。

同諸友宿霽上人房望明月橋

共宿高僧院，其如秋夜何。鍾聲沉遠樹，鴈影度寒波。客路逢人少，空門悟法多。上方今夜月，猶向斷橋過。

送袁推府奏績北上

斜日半帆明，西江浪正平。風雲雙闕路，吳越兩鄉情。樹綠沉山影，天空落鴈聲。孤舟漁浦夜，共語一燈清。

送王侍御出按甘肅

李先芳

君王重分陝，使者出秦京。紅岍初連樹，黃雲張掖城。馬行天盡處，人去海西營。定有涼州曲，遙

傳絕塞聲

大佛寺慧雲洞天

佛日臨初地慈雲出洞天園開三士果燈結九  
枝蓮閣迥蟠龍藏林深泛虎泉西來八百寺此  
處可逃禪

中都同孫使君登第一山贈曉上人

地臨湯沐郡高起翠微峰密樹藏山日迴風落  
午鐘洞門蒼靄合御篆紫苔封却望橋陵道雲  
成五色龍

官如醉司馬身是病維摩拄笏山無恙彈冠鬢  
已皤未除煩惱障其柰簿書何何處堪招隱淮  
南桂樹多

峽石舟中望宣城作

長薄帶芳洲支江繞郡流潭烟宛陵夕山雨敬  
亭秋溜急知湖口林喧指渡頭依稀沙渚上人  
吏待行舟

駕虹橋望紫山寺

劃然石壁斷山郭忽中開蛇逕緣溪轉龍岡抱

縣回嵐光晴釀雨江氣冷侵苔立馬虹橋上人  
從樹杪來

紫騮馬

沙苑紫驂騮雕韉錦絡頭千金能一顧萬里為  
防秋躡跋胡塵下驂驪汗血流天閑十二種誰  
解取封侯

劉生

談兵羞燕頤負氣埒虬鬚朝彈上林雀夜醉酒  
家胡片言傾四座千金直一盧撫劍平津道挾

殺李金吾

留別李于鱗

李侯才卓犖文字逼先秦因無知己者不欲暗  
投人白雲官舍冷綠酒別情親他日傳離思千  
山黃鳥春

鄱陽湖

吳城臨古渡湖水接天開一夜南風起扁舟萬  
里迴波漂星子縣雲沒大孤臺却望蒼茫裡匡  
廬秋色來

送張內翰赴院

北人重然諾君子莫相忘  
萬里依兄弟三年吐  
肺腸侍臣金作礪太史玉為堂  
儻念羈棲羽天邊垂末光

送方進士季隣之烏程

黎民表

新恩多出宰羨爾獨游吳  
官閣傍連寺春城半  
入湖山川良具美井邑未全蘇  
誰解陳封事翩翻待玉鳧

趨順義縣

使者正乘輶東行上郡遙  
門開臨井口城堡落  
山腰岸遠沙如雪風悲水似潮  
客愁何處着寒月更蕭條

峪口

翠削龐峰峻高蟠鳥道孤  
東西分幕府風土入  
穹廬牧馬閒千匹當關用一夫  
傳聞漢諸將猶議塞飛狐

江樓晚眺

傅文淵

野色逢山斷江流抱屋斜  
牛羊歸落日鳧雁下

平沙遠樹將生暝寒梅未着花孤烟叢薄外隱  
隱見漁家

過廣慈寺

張佳胤

孤寺羣峰外寒鍾萬壑傳高僧持白業法雨噴  
青蓮花雜陰崖雪門開大地烟藤蘿知客意牽  
引上諸天

武陵

炎海路仍遠滄江人未歸風吹武陵曲花落使  
臣衣微雨沾春樹長天指釣磯生涯逢世態將

息漢陰機

宿黃牛峽

春到黃牛峽江辭白帝城楚雲高不極巴水去  
無聲絕塞書難得孤舟月正明擢歌聽自短幾  
處夜猿鳴

關山月

方弘靜

漢月照金鞍胡雲擁玉盤關山萬里遠刀斗五  
更寒塞外雕弓滿閨中紈扇團何時還鐵騎應  
待斬樓蘭

題李山人草堂

巖前宿鳥飛林外曉光微  
春色驚人早雲山與世違  
泉流采藥徑花暗釣魚磯  
借問金門士何如蘿薜衣

東巖

巖端朝日暉巖下啓松扉  
流水不知處孤禽相與飛  
青山長對席白髮久忘機  
日與西隣叟携尊上翠微

野寺

謝註

千山圍寺古一逕入林長  
石岸斜通戶溪流曲抱廊  
雲停鈴閣磬風送佛筵香  
客路空惆悵無緣到上方

江州雜興

王世懋

不堪頻出郭極望轉心驚  
病奪三春色愁添九旅情  
山含殘雪澹雲帶薄寒  
輕坐見梅花落淒其江上城

廬山雪

朝日照積雪廬山如白雲  
始知靈境杳不與衆



山羣樹色空中斷泉聲天半聞千崖冰玉裡何處著庄君

除夕前一日遇雨夜叩田家假寐

明朝是除夕急雨叩田家失路身仍賤窮途老易嗟有書消夜坐無曆閱年華妻子庄山下荒城隔暮笳

宿預道中卽事

但道三吳國瀕淮更愴然中原草根盡少婦木衣穿有女償官債無家問子錢如聞下明詔早

晚罷營田

訪管建初真如寺

愛爾依蘭若閒過坐夕陽人天入寺隔僧夏掩關長徑草侵幽砌宮槐出短墻不須求聖諦吾境已清涼

先君復職命下志喜

自沉幽谷痛誰照死灰明烏烏悲新疏麒麟憶舊名魂消招乍返淚盡感重生試問王褒樹春風可再榮



目錄  
卷之三十六

三

